

محراب

افلاقی ، اجتماعی ، فلسفی ، تاریخی ، ادبی مجموعہ

شیمدیلک اون بش کوندہ نشر اولنور

مدرجات

اسلام « شیعیلک ، مذاہب و دینی فرقہ لار ، شہزادہ باقی محمد علی مصطفیٰ علیہ السلام
تاریخ مدینتہ کتب خانہ لار طاہر عربی علیہ السلام
اورتا آسیادہ تورکمن « تورکمنلرک دی » حامی ضیا علیہ السلام
شیخ سہروردینک شخصیتی و سچیہ سی یوسف ضیا علیہ السلام
حی بن یقظان « ابن طفیلک فلسفی رومانی » رشید علیہ السلام

مرآب : قدریہ حسین — پروانہ : سیمچہ جمال — رباعی : علی ضیا — پرکوکل خاطرہ سی —
ملیجہ نوری — غزل : جمیل رأفت — ہالاک قبری : بحدت رشدی — آنتہ مک اولوی : —
صائم حسین .

فیثاتی ۱۰ غروشدور

«.... و شریعت اسلامیہ کی اجتہادہ بویوک بر اہمیت ویردن بر شریعتہ باب اجتہادک انسدادینہ دائر بر دلیل شرعی نك وجودی غیر متصور بولوندیجی حالده چین شریعتہ موجود اولان انسداد باب اجتہاد عقیدہسی ہر ناصلہ اہل اسلام آراستہده صوقولمش و هیچ بر اساس شرعی یہ مستند اولمایان بر فکر سقیم عالم اسلام اوغرندہ مشوم بر تاثیر حاصل ایلمشدر ..» [محمود اسمد اقدی . تاریخ علم حقوق . ص : ۲۳۲]

فی الحقیقہ چیندهده [ایمپراطورک حکمی ایلمہ دخی یکی دن هیچ حکم ویرلمہ چکمی] شکلنده بر قاعدہ کلیہ واردر . لا کین بونک ایضاحی پک بسیطدر . ایراندہ دینک (ثابت rigibe) لکی هانکی سیلردن کلیورسہ شہسزکہ چیندهده عینی سیلردن در . یالکزایشک اک آجیناجق نقطہسی (ہر ناصلہ ..) عبارہسی در . بلکہ بوتون مذهب مسئلہ لرینک محراقی اولہ ییلمہ جک اولان ، بویلمہ بر نقطہی (ہر ناصلہ) ایلمہ ایضاح کافی دکلدر .

صلی ضیا

یتیمہ دی

آنہمک اولومی

— ۱ —

بابامک قبرینی زیارتہ کیتمش ایدم . یاریم ساعت قادار مترارک لوش ورطوبتلی سرویلری آرہ-ندہ بولنہدن معنویتہ درین بر خزن وسکوت دولمشدی . دعای یتیردم ؛ یتیمہ دن دوداقلرمی تازہ ، مبارک طاشنک اوستنہ قویارق اوپدم . تاقلیمدن فیشقیریورمش کی اینجہ بر صیزی ایلمہ کوزلرمہ کلن یاشلر قبرک یشیلکری اوستنہ داملا یوردی . قلبمہدہ بریکمش کناہلر کوزلرمدن دوکولیور کیدی . آغلادجہ معنویتہدہ بر خفیفک حس ایدیوردم . دقیقہلر کچدکجہ اوقدر دورغونلاشیور ، ہر شیدن اوقدر آریلیوردم کہ آرتق بو کون فناہ آرقہمی دونمش کوزلرمک اوکنہ آچیلان معنوی برجہانک وجد تماشاسی ایچندہ قالییوردم . یواش یواش ہر شیتی سیندیرن اومدهش سکوت آلتنبہ اوقدر جہسز قلش ایدم کہ طوپراق اوستندہ براقلمش بر اولوکی وارلغمدن برشی حس ایدمہ یوردم .

یاشایانلرک فانی آلامنہ بدل اولولرک مؤبد ماتمتی طوتان بو سرویلری دولدیران ایصترلقدن قورقوبوردیم ؛ فقط قلب چاریمایوردی . ہر شیتی جوابسز براقان اولولرک بو متحکم سکوتی نی آزیور ، بونالٹیوردی ؛ فقط کیم بو الہی شعری دیکلہ یوبدہ غشی اولمامش نہایت بنده بوتون یاشایانلر کی عجزمک ایللمہ آغلایور ، ہر شیتی ایچیشمکدن چکییوردم .
بوسرویلر دیارینک آقشاملری نہ خزیندی یارب ! قبرا کلن بوزالرمہ قدر محترز و خرمکار کیریور ؛ دیمک اولولر بزدن دہا حساسدی . حضورلرندہ قللمر مترارک کینلی نقطہلرینی کورییورلرمش

كې كناهلمىزى يالانسز ، دياسز اعتراف ايدرز ؛ ديمك ، اونلرك كوزلى زمكىلرندن دها چوق نافذ . آره لنده كزىلر سىلرله اونلرى ايخيمه مك ايچون يواش يواش قونوشورلر ، دعا ايدرلر ؛ اوحالده ، اولولر صاغير دكل هپ بزلى ديكايورلر . آم ؛ اونلر نه بويوك حقيقتلرى افشا ايدرلر ؛ سكوت اونلرك لسانى دكلى ؟ اونلره ديلسز ديهه مېز .

آقشاملرى بو لوش ابديت ديارينه كيديكز ؛ اورالرخي اينجه بر دومان صاراركن مجهول بېردن صانكه سكوت نيمان ايدىيور وداغىليورمش كې درين بر اوغولتو حس ايدرسكز . بو كيمك نفسى ؟ كردباد ارواحى آنديران بو اوغولتو نه در ؟ رحمت الهيه مى ترسب ايدىيور ؟ عجب اروحلمى عبادت ايدىيور ؟ يوقسه اولولر حسرت زده لرغى آكييورلر ؟ شېه سز اورالرى اللهك قوللرينه اك ياقين برمنزليدر ؛ اوحالده اولك فوق البشر اولتى دكليدر ؟ بوكون ، بورطوبتلى بياض مرمرك اوكنده بنده اعترافاتده بولندم ، دعالر ايتدم . آريليركن قلبده برحضور ، معنويتده برسرينك واردي . اينجه عفو اولنديغى حس ايتدين روحانى بر سوينچ دولشدى . روحم هنوز جسمه كيرمش قدر لكه سز وجرمسزدى . آديلمى آتاركن معنويتده كى تميزلكدن نه قدر مسترخ ايدم . بوكناه سز قلبله خسته آنه مك باشى اوجنه كيتمك ، اوراده بابامك روحايتندن كتيرديكم صافيتله اللهم دعالر ايتك ايسته يوردم .

كوزلى يره ايكدم ؛ قولاقلى پالطومك ياقه سيله اورتهرك اللرم جيمده يورويوردم . معنويتى سيره دالمش كې دالفين ايدم ؛ بردن يموشاق بر شى قوله چارپدى . صارصيله رق باشى چوروب باقدم ؛ بو ، قولنده نى كنجى يكا كوسترمك ايسته ين انتقايجو برقاديندى ؛ كوزلنده مظفريتلك خنده لرى ، پريشانلنمك استهزالى واردي . عصمت و نزاهتمه تجاوز ايندن بوغدار متروك نى بر آنده پارچه لامى اينچون موجوديتده بويوك بر قوت حس ايتدم . قلبمدن سياه بر بلوط كې انسانلنك اك چيلغين احراقى كچدى ؛ بر لحظه اولكى قدسى دويغولرمك بوسبوتون محو اولسنه قلم دايانامايوردى . صانكه جنتده سام آسيور ؛ صانكه جهنمك كناهكار آلولى قلى قايلايوردى . فقط مبهات ؛ نه يابه بيليردم ؟ هيج ... ضعف عجز ايله يالكز آغلادم . جنتدن قوغولاش ، حواسندن جدا قالمش آدم كې آغلادم ... انسانلردن اوتانه رق ايزبه محله لردن ، قويتو سواقلردن كچركن شېه سز قفس آرقه سندن ميچريلرى دويانلر واردي .

صوك دفعه بر كره دها آكلادم ؛ حوانك بووقاسز قيزلى آره سنده آنه مدن باشقه بنى صاراجق مشفق و مرحمتلى برقاب يوقدى . بر آن اول اونك تسليتكار قوينه صيغيندى ايچون خيزلى خيزلى يورودم .

فيونى آچانلر صولوق چهره لرى ، دولقون وايصلاق نظرلرله اوزرله آتيلديلر ؛ هپسى برذن ؛ «صائم !... آنهك اولدى» دييورلرى . ۱ كانون ثانى ۱۳۵۰ صائم صبيح

